

DESKRISAUN BA POZISAUN

Senior Monitoring, Evaluation & Learning Officer

Titulu pozisaun	Senior Monitoring, Evaluation & Learning Officer
Lokalizaun	RAEOA
Relata ba	Field Program Manager & MEL Manager
Grau	5 Step 1
Salariu	\$810 kada fulan
Tipu pozisaun	Tinan 1
Data komesa/durasaun	Jullu 2023

1. Konaba CARE iha Timor-Leste

1.1 Konaba CARE

CARE hanesan organizasaun internasional ba dezvoltimentu no umanitariu ne'ebé servisu iha Timor-Leste dezde 1994. Ho programa sira ne'ebé konsentra iha munisipiu hotu iha rai-laran, CARE servisu hamutuk ho parseiru sira atu salva moris, halakon ki'ak, no atinje justisa sosial.

CARE servisu ho komidade sira iha area rural no hamutuk ho parseiru sosiedade sivil sira atu luta hasoru dezigualdade jéneru, tamba ida ne'e hatudu ona katak dalan efetivu ida atu kria impaktu ba dezvoltimentu ne'ebé sustentavel.

Asegura moris di'ak no rona feto no labarik feto sira nia lian iha area ne'ebé rural no dezvantajen sai nudar sentru ba CARE nia servisu. Ida ne'e atinje liu husi area prioridade haat hanesan Edukasaun, Hakbiit Feto sira-nia Ekonómia, Saúde no promove Feto sira-nia Lian iha sosiedade liu husi programa dezvoltimentu no umanitariu sira.

1.2 Konaba programa

CARE International iha Timor-Leste (CITL) implementa projetu ida ho durasaun tinan 5 ho fundus husi Departamentu Agrikultura Estados Unidos (USDA). Projetu ne'e hanaran HATUTAN (Hahán ne'ebé Atu fó Tulun ho Nutrisaun no Edukasaun), atu harii parseria entre eskola no sira-nia komidade hodi hadi'a literasia, aprendizajen, saúde no nutrisaun ba labarik no adultu sira iha munisipiu 4: Ainaro, Ermera, Manatuto no RAEOA - Oecusse. Projetu ne'e parseria ho Ministériu Edukasaun, Juventude no Desportu nomos iha kolaborasaun ho Ministériu Saúde no Ministériu Agrikultura no Peska. Objetivu atu hametin dezempeñu eskolár iha literasia, saúde no nutrisaun, serbisu hamutuk ho sistema eskolár iha nivel nasional, munisipal no eskola nomos fó apoiu hodi hametin Programa Merenda Eskolar governu nian.

2. Knaar

OBJETIVU POSISAUN NE'E:

Senior MEL Officer: Pozisaun ida ne'e sei bazeiadu iha Oe-cusse no sei supervizona atividade monitorizasaun hotu-hotu iha kampu, atividade koleksaun dados, data-entry no relatóriu, no mós sei supervizona membru ekipa (MEL Officer) ida ka rua. Senior MEL Officer mak iha responsabilidade atu implementa loloos projetu nia Planu Monitorizasaun no Avaliasaun iha rejiaun Oe-cusse no relata kualkér kestaun ruma relasiona ho kualidade dados ba ninia supervisor. Senior MEL Officer sei apoia projetu atu implementa aprendizajen ka rekomendasaun husi estudu no fornese treinamentu no mentoría ba ninia ekipa MEL. Senior MEL mós sei fo apoiu iha sesaun treinamentu, halo apresentasaun dados ba ekipa programa, pesoál governu, sociedade sivil, no parseiru relevante sira.

Pozisaun ida ne'e ezije nivel profisionalizmu ne'ebé aas, kapasidade lideransa no komunikasaun ne'ebé di'ak, abilidade planeiamentu no numerasia ne'ebé di'ak, abilidade atu fó atensaun detalhadu, no koñesimentu sobre oinsá halo serbisu ho konfidensialidade no apropiadu ho ema seluk iha ekipa nia laran.

Pozisaun ida ne'e sei bazeiadu iha **Pante Makassar (RAEOA)** no sei halo viajen regulár ba eskola no comunidade iha sub-rejiaun sira hanesan **Nitibe, Passabe,** no **Oesilo** hodi halo atividade monitorizasaun.

RESPONSABILIDADE PRINSIPÁL:

Monitorizasaun, Avaliasaun & Aprendizajen

Lidera, planeia, no implementa projetu nia Planu Monitorizasaun no Avaliasaun iha rejiaun Oe-cusse tuir orientasaun no matadalan tékniku husi Jerente Programa Monitorizasaun no Avaliasaun (MEL Manager), no supervizona husi Jerente Programa Kampu (FPM). Pozisaun ne'e ninia responsabilidade prinsipál mak atu:

- Supervizona no jere serbisu husi ekipa monitorizasaun no avaliasaun inklui asegura katak ekipa hotu halo vizita ba eskola no comunidade tuir planu no protokolu ne'ebé projetu estabelese ona;
- Halo vizita regulár ba eskola sira iha área projetu hodi hasoru diretór ka koordinadór eskola, manorin, alunu sira, inan-aman, kuzinheiru, grupu to'os-na'in, no membru comunidade sira atu rekolha no verifica dados;
- Prepara no hato'o relatóriu ne'ebé kompletu ba edifisiu iha Dili no asegura katak dados ne'ebé kolekta husi terrenu konsege duni relata ho maneira ne'ebé pontuál no fasil ba ekipa programa seluk atu bele hetan feedback ne'ebe relevante;
- Apoia eskola atu hadi'a sira-nia maneira de koleksaun dados no halo relatóriu;
- Halo revizaun, avaliasaun, kontrolu kualidade, no spot-check atu verifica dados ne'ebé mak relata husi ofisiál monitorizasaun no avaliasaun (MEL Officer);
- Ajuda halo adaptasaun instrumentu peskiza no ninia prosedimentu sira bazeia ba realidade iha terrenu no tradús instrumentu husi Tetum ba lingua Baikenu;

- Apoia planeiamentu no koleksaun dados ba peskiza sira (porezemplu fó rekomendasaun kona-ba amostra eskola, partisipante, no mos área jeográfiku) bazeia ba esperiénsia no koñesimentu kona-ba situasaun no kondisaun iha terrenu;
- Apoia atividade peskiza kuantitativu no kualitativu hanesan avaliasaun baseline, midline, no endline, inklui fó apoiu lojístiku, no kolekta dados ba atividade peskiza espesiál sira;
- Apoia projetu atu aprende no implementa rekomendasaun bazeia ba dados ne'ebé kolekta husi terrenu atu bele hadi'ak liután projetu nia implementasaun no sustentabilidade;
- Dezenvolve no mantein relasaun di'ak no profesionál ho pesoál governu rejionál, sekretáriu rejionál sira, pesoál eskola, comunidade, no parseiru dezenvolvimentu sira seluk iha RAEOA;
- Apoia Ofisiál MEL no pesoál eskola sira atu implementa medidas no prosesu monitorizasaun ne'ebé di'ak iha nivel eskola;
- Prepara, fahe, no apresenta dados monitorizasaun ho ekipa programa, pesoál eskola, comunidade no parseiru lokál sira
- Fó apoiu tékniku ba Ofisiál MEL (MEL Officer) atu rezolve kualkér problema relasiona ho asesu ka qualidade dados iha nivel eskola no comunidade atu bele asegura konfiansa no kolaborasaun metin iha projetu;
- Jere no orienta ekipa tékniku kona-ba instrumentu no prosedimentu koleksaun dados;
- Implementa prosesu kontabilidade iha RAEOA bazeia ba CARE nia enkuadramentu kontabilidade;
- Kolekta, prepara, no fahe istória susesu kona-ba projetu nia atividade.
- Organiza enkontru regular ekipa MEL;
- Representa projetu iha enkontru sira iha nivel rejiaun no sub-rejiaun;
- Fó apoiu tékniku ba atividade projetu inklui treinamentu;
- Ezekuta serbisu seluk ne'ebé mak delega husi supervizór.

RESPONSABILIDADE SELUK:

- Partisipa ho ativu iha prosesu avaliasaun dezempeñu (APPA) inklui avaliasaun kada fulan neen, anuál, no enkontru regulár 1:1 nune'e asegura katak prosesu APPA integra di'ak iha Planu Serbisu Anuál no ninia atividade sira;
- Partisipa iha preparasaun hasoru situasaun emerjénsia, apoia iha situasaun emerjénsia bainhira presiza;
- Promove ambiente serbisu ne'ebé seguru; adopta kultura seguru no konsiénsia ba seguransa serbisu, no kumpre tuir CARE nia polítika no regra sira relasiona ho Seguru no Seguransa; no
- Hatudu komitmentu ba igualdade jéneru, diversidade no protesau ba labarik.

3. Kriteria ba selesaun

Esperiénsia no Kualifikasaun:

- Kompletu ona estudu universitáriu ne'ebé relevante;
- Iha experiénsia halo koleksaun dados mínimu tinan 4 ona;
- Tenke ko'alia lian **Baikenu**
- Prefere kandidatu ne'ebe iha ona experiénsia lidera ekipa ka staff seluk;
- Prefere kandidatu ne'ebé iha ona experiénsia halo entrevista, fasilita diskusaun grupu foku;
- Prefere kandidatu ne'ebé iha experiénsia no koñesimentu kona-ba sistema edukasaun iha Timor-Leste;
- Iha koñesimentu atu planeia atividade inklui gastus orsamentu kandidatu ne'ebé iha experiénsia halo jestaun finanseiru ba ekipa kampu
- Prefere kandidatu ne'ebé iha ona experiénsia serbisu iha RAEOA;
- Hatene hakerek no ko'alia lian Baikenu no Tetum, hatene lian Inglés mós di'ak liután;
- Iha koñesimentu exelente ba numerasia (matemátika), no iha experiénsia uza aplikasaun Microsoft Excel no Google Sheet;
- Iha abilidade di'ak atu jere tempu, inklui abilidade atu planeia no jere serbisu sira ne'ebé ninia prioridade la hanesan, atu asegura katak serbisu hotu bele atinje ho pontuál;
- Iha abilidade atu rezolve problem, abilidade analítiku no komunikasaun;
- Hatudu onestidade, mantein konfidensialidade, no konfiansa;
- Iha experiénsia serbisu ho organizasaun internasionál naun-governamental (INGO) seluk no iha vontade atu aprende kona-ba CARE, igualdade jéneru no atividade sira ne'ebé empodera feto.
- Prefere kandidatu ne'ebé iha abilidade atu lori motór no karta kondusaun ne'ebé validu.